

# 2025 წლის გაზაფხულის სეზონის მათემატიკის ოლიმპიადის I ტურის ტესტების მიმოხილვა

## მე-7 კლასი

ტესტი შედგება 10 ძირითადი დავალებისგან და მისი ჯამური ქულაა 50. თითოეული სავარჯიშო 5-ქულიანია, ის მოიცავს პირობას და სამ სავარაუდო პასუხს, რომელთაგანაც მოსწავლემ მხოლოდ ერთი - სწორი პასუხი უნდა შეარჩიოს. I-დან II ტურში გადასასვლელად, მოსწავლემ უნდა დააგროვოს სულ მცირე 21 ქულა.

სავარჯიშოები შედგენილია რიცხვთა დათვლის, განტოლებებისა და ალგებრული ამოცანების, წილადების, დროის ერთეულების, სივრცული და ბრტყელი ფიგურების თემატიკებზე.

### • რიცხვები და მათზე მოქმედებები

- მოსწავლემ უნდა შეძლოს რიცხვებზე მარტივი მოქმედებების ჩატარება. უნდა იცოდეს ზოგიერთ ციფრზე გაყოფადობის ნიშნები.

**მაგალითი:** რა ციფრით ბოლოვდება სხვაობა  $5 \cdot 7 \cdot 100 - 2 \cdot 5 \cdot 10$

- A) 4-ით                      B) 5-ით                      C) 0-ით

### • რიცხვებზე მოქმედებები, განტოლების ამოხსნა.

- მოსწავლემ უნდა შეძლოს ნატურალურ რიცხვების გამრავლება ან გაყოფა, ნაშთის პოვნა და მათი შედარება; ამ მოქმედებების საშუალებით განტოლების ამოხსნა.

**მაგალითი:**  $10 \cdot (7 + 1x) = 14x$

- A) 5                      B) 14                      C) 70

### • ამოცანები ალგებრული სისტემის ამოხსნაზე.

- მოსწავლემ უნდა შეძლოს რიცხვებზე მოქმედებებით ალგებრული ამოცანების ამოხსნა.

**მაგალითი:** ცარიელი ავზი პირველი მილით 1 საათში ივსება. ნახევრად სავსე ავზი კი მეორე მილით 1 საათში იცლება. ახლა ავზი ცარიელია და ორივე მილი გახსნეს. რა დროში აივსება ავზი?

- A) 30 წთ                      B) 1 სთ                      C) 2 სთ

### • სივრცული და ბრტყელი ფიგურები

- მოსწავლემ უნდა იცოდეს ზოგიერთი სივრცული და ბრტყელი ფიგურა და მათი თვისებები. უნდა იცოდეს ფიგურების ღერძული სიმეტრია, პარალელური გადატანა.

**მაგალითი:** რომელია მეტი წრეწირის რადიუსი თუ დიამეტრი?

- A) რადიუსი                      B) დიამეტრი                      C) ტოლია

### • დროის ერთეულები

- მოსწავლემ უნდა შეძლოს დროის ერთეულების ერთმანეთში გადაყვანა.

**მაგალითი:** რამდენი წამია 2 საათში?

- A) 3600                      B) 7200                      C) 540